



სსიპ შოთა რუსთაველის
საქართველოს ეროვნული
სამეცნიერო ფონდი

26 ივნის 2023

ქ. თბილისი

გენერალური დირექტორის

ბრძანება № 103

სსიპ შოთა რუსთაველის საქართველოს ეროვნული სამეცნიერო ფონდის პრემიის - მეცნიერებაში განსაკუთრებული მიღწევებისათვის დაწესების და კონკურსის გამოცხადების შესახებ

„საჯარო სამართლის იურიდიული პირის - შოთა რუსთაველის საქართველოს ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივნისის N62/ნ ბრძანებით დამტკიცებული წესდების მე-2 მუხლის მე-2 პუნქტის „ზ“ ქვეპუნქტის და მე-5 მუხლის მე-2 პუნქტის „ე“ და „პ“ ქვეპუნქტების საფუძველზე და სსიპ შოთა რუსთაველის საქართველოს ეროვნული სამეცნიერო ფონდის მეცნიერების პოპულარიზაციის სამსახურის უფროსის (N758318, 26.06.2023წ.) სამსახურებრივი ბარათის შესაბამისად,

ვბრძანებ:

1. დაწესდეს სსიპ შოთა რუსთაველის საქართველოს ეროვნული სამეცნიერო ფონდის პრემია მეცნიერებაში განსაკუთრებული მიღწევებისათვის;
2. დამტკიცდეს სსიპ შოთა რუსთაველის საქართველოს ეროვნული სამეცნიერო ფონდის პრემიის „მეცნიერებაში განსაკუთრებული მიღწევებისათვის“ კონკურსის წესი ამ ბრძანების დანართი N1-ის შესაბამისად;
3. დამტკიცდეს კრებასითი ინფორმაციის ფორმა ამ ბრძანების დანართი N2-ის შესაბამისად;
4. დამტკიცდეს სამოტივაციო წერილის ფორმა ამ ბრძანების დანართი N3-ის შესაბამისად;
5. დამტკიცდეს სამეცნიერო ნაშრომების ჩამონათვალის ფორმა ამ ბრძანების დანართი N4-ის შესაბამისად;
6. დამტკიცდეს მეცნიერის პირადი ინფორმაციის (CV) ფორმა ამ ბრძანების დანართი N5-ის შესაბამისად;
7. დამტკიცდეს „2021 წლის „რუსთაველის ფონდის პრემიის მეცნიერებაში განსაკუთრებული მიღწევებისათვის“ კონკურსში მონაწილეობის შესახებ განცხადების ფორმა ამ ბრძანების დანართი N6-ის შესაბამისად;
8. კონკურსის კოორდინატორად განისაზღვროს სსიპ შოთა რუსთაველის საქართველოს ეროვნული სამეცნიერო ფონდის (შემდგომში - ფონდი) პოპულარიზაციის სამსახურის სპეციალისტი - ეკატერინე მიქაელაშვილი;
9. დაევალოს ფონდის მეცნიერების პოპულარიზაციის სამსახურს ამ ბრძანების გამოქვეყნება ფონდის ვებგვერდზე;
10. ბრძანება ძალაშია ფონდის ვებგვერდზე გამოქვეყნებისთანავე;
5. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს ადმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი №64).

ლევან ხეცურიანი
გენერალური დირექტორის მოვალეობის შემსრულებელი

შოთა რუსთაველის საქართველოს ეროვნული სამეცნიერო ფონდის პრემია მეცნიერებაში
გასაკუთრებული მიღწევებისათვის
კონკურსის წესი

მუხლი 1. ზოგადი დებულებანი

1. სსიპ - შოთა რუსთაველის საქართველოს ეროვნული სამეცნიერო ფონდი აწესებს პრემიას ახალგაზრდა მეცნიერებისათვის მეცნიერებაში განსაკუთრებული მიღწევებისათვის.
2. ფონდის მიერ გამოცხადებული კონკურსის „სსიპ შოთა რუსთაველის საქართველოს ეროვნული სამეცნიერო ფონდის პრემია“ (შემდგომში - კონკურსი) მიზანია ახალგაზრდა მეცნიერთა წარმატებული და გამორჩეული სამეცნიერო მოღვაწეობის, აკადემიური კომპეტენციების ფარგლებში დარგის განვითარების და საზოგადოებრივი საქმიანობისათვის;
3. კონკურსის მისაა ხელი შეუწყოს ახალგაზრდა მეცნიერების მისწრაფებას წარმატებული და განსაკუთრებული მიღწევებისკენ საქართველოში მეცნიერების პოპულარიზაციის მიზნით; ასევე, მეცნიერების განვითარებისა და სრულყოფისათვის, საზოგადოების ფართო მასებსა და განსაკუთრებით ახალგაზრდებში, მეცნიერების პოპულარიზაციის ხელშეწყობა; სამეცნიერო დისციპლინების მიმართ ახალგაზრდებში ინტერესის გაზრდა; ახალგაზრდა მეცნიერთა მოტივაციის ამაღლება სამეცნიერო კარიერის მიმართულებით.
4. კონკურსის ეფექტურობის გასაზრდელად, მეცნიერების პოპულარიზაციისა და ფართო საზოგადოების ინფორმირების გზით, ფონდი უზრუნველყოფს წარმატებულ ახალგაზრდა მეცნიერთა საქმიანობის გაშუქებას ფონდის ვებ გვერდის, სოციალური, ინტერნეტ და რადიო-ტელე მედიის საშუალებით, მათ ჩართულობას სამეცნიერო ფესტივალსა და სხვა მეცნიერების პოპულარიზაციის ღონისძიებებში, რაც ხელს შეუწყობს ახალგაზრდა მეცნიერების მოტივაციის ამაღლებას, მეტ ჩართულობას სამეცნიერო-საზოგადოებრივ აქტივობაში და მათი ცნობადობის გაზრდას, ფართო საზოგადოების ცნობიერების ამაღლებას მეცნიერების მნიშვნელობაზე და ახალგაზრდა ქართველ მეცნიერთა მიღწევებზე.
5. რუსთაველის ფონდის პრემია მეცნიერებაში განსაკუთრებული მიღწევებისათვის გაიცემა ერთჯერადად, ღია კონკურსის წესით.
6. კონკურსი ითვალისწინებს ერთჯერადი პრემიით ახალგაზრდა მეცნიერის დაჯილდოებას.

მუხლი 2. ტერმინთა განმარტება

ამ წესში გამოყენებულ ტერმინებს აქვთ შემდეგი მნიშვნელობა:

1. ფონდი – საჯარო სამართლის იურიდიული პირი – შოთა რუსთაველის საქართველოს ეროვნული სამეცნიერო ფონდი;
2. გენერალური დირექტორი – ფონდის გენერალური დირექტორი.
3. საკონკურსო განაცხადი – პრემიის მოპოვების მიზნით, ამ წესით განსაზღვრული პირობების მიხედვით ფონდში წარდგენილი საკონკურსო განაცხადი;
4. ახალგაზრდა მეცნიერი – საქართველოს მოქალაქე დოქტორის ან მასთან გათანაბრებული აკადემიური ხარიხის მქონე პირი, რომლის აკადემიური ხარისხის მინიჭებიდან კონკურსის

გამოცხადებამდე, გასულია არაუმეტეს 7 წელი და ეწევა სამეცნიერო-კვლევით ან/და აკადემიურ საქმიანობას საქართველოს სამეცნიერო-კვლევით ორგანიზაციაში ან/და უმაღლეს საგანმანათლებლო დაწესებულებაში.

5. შეფასების კრიტერიუმები – ფონდში წარდგენილი საკონკურსო განაცხადების შესაფასებლად საკონკურსო კომისიისთვის განსაზღვრული, ამ წესით დამტკიცებული სახელმძღვანელო პრინციპები სათანადო ქულების მითითებით;
6. დამოუკიდებელი ექსპერტი – პირი, რომელიც საჭიროების შემთხვევაში აფასებს კონკურსის ფარგლებში წარდგენილ საკონკურსო განაცხადებს;
7. საკონკურსო კომისია – კონკურსზე დარეგისტრირებული საკონკურსო განაცხადების შემფასებელი კოლეგიალური ორგანო, რომელიც განიხილავს და აფასებს კონკურსში შემოსულ საკონკურსო განაცხადებს, შეფასების კრიტერიუმების შესაბამისად;
8. პრემია – ახალგაზრდა მეცნიერის მიერ კონკურსის შედეგად მოპოვებული ანაზღაურება.
9. მიზნობრივი ანგარიში – ახალგაზრდა მეცნიერის მიერ წარმოდგენილი საბანკო ანგარიში.

მუხლი 3. კონკურსის პრემიის კატეგორიები

1. კონკურსში საკონკურსო დოკუმენტაციის წარდგენა შესაძლებელია სამეცნიერო მიმართულებების კლასიფიკატორით განსაზღვრულ შემდეგ მიმართულებებში:
 1. საბუნებისმეტყველო მეცნიერებები
 2. ინჟინერია და ტექნოლოგიები
 3. მედიცინისა და ჯანმრთელობის მეცნიერებები
 4. აგრარული მეცნიერებები
 5. სოციალური მეცნიერებები
 6. ჰუმანიტარული მეცნიერებები
 7. საქართველოს შემსწავლელი მეცნიერებები
2. რუსთაველის ფონდის პრემიის ოდენობა თითოეულ კატეგორიაში შეადგენს 6 250 ლარს.
3. თითოეულ კატეგორიაში გაიცემა მხოლოდ ერთი პრემია.

მუხლი 4. კონკურსში მონაწილე სუბიექტები და პირობები

1. კონკურსში მონაწილეობის უფლება აქვს საქართველოს მოქალაქე ახალგაზრდა მეცნიერს, დოქტორს, ან მასთან გათანაბრებული აკადემიური ხარიბის მქონე პირს, რომლის აკადემიური ხარისხის მინიჭებიდან კონკურსის გამოცხადებამდე, გასულია არაუმეტეს 7 წელი და ეწევა სამეცნიერო-კვლევით ან/და აკადემიურ საქმიანობას საქართველოს სამეცნიერო-კვლევით ორგანიზაციაში ან/და უმაღლეს საგანმანათლებლო დაწესებულებაში.
2. საკონკურსო განაცხადს წარადგენს თავად პრემიის კანდიდატი - ახალგაზრდა მეცნიერი.
3. კონკურსის პრემია ახალგაზრდა მეცნიერს მიენიჭება, კონკურსის გამოცხადებამდე ბოლო სამი წლის განმავლობაში, მეცნიერებაში მიღწეული განსაკუთრებული მიღწევებისათვის.
4. სასურველია კონკურსში მონაწილეობის მსურველ, ახალგაზრდა მეცნიერს მინიმუმ ერთი სამეცნიერო ნაშრომი ჰქონდეს გამოქვეყნებული ან გამოსაქვეყნებლად მიღებული მაღალ რეიტინგულ გამოცემაში ან ჰქონდეს გამოქვეყნებული მონოგრაფია.
5. საკონკურსო დოკუმენტაციის რეგისტრაცია შესაძლებელია ფონდის გრანტების მართვის ერთიან სისტემაში GMUS-ში [Grants Management Unified System] ელექტრონულად.

მუხლი 5. კონკურსის ადმინისტრირება

1. კონკურსის ადმინისტრირებას ახორციელებს ფონდი.
2. ფონდი უზრუნველყოფს:
 - ა) კონკურსის გამოცხადებას დადგენილი წესით;
 - ბ) კონკურსის ჩატარების წესისა და საკონკურსო დოკუმენტაციის მიღების ვადების დადგენასა და საჯაროდ გამოცხადებას (ხელმისაწვდომია ფონდის ვებ-გვერდზე);
 - გ) საკონკურსო დოკუმენტაციის კონკურსის მოთხოვნებთან შესაბამისობის დადგენას (ტექნიკური ექსპერტიზა);
 - დ) საკონკურსო განაცხადების შეფასებას საკონკურსო კომისიის მიერ და გამარჯვებულების გამოვლენას;
 - ე) გამარჯვებული კანდიდატების დამტკიცებას გენერალური დირექტორის მიერ;
 - ვ) კონკურსის შედეგების საჯარო გამოცხადებას (ხელმისაწვდომია ფონდის ვებ-გვერდზე).

მუხლი 6. კონკურსზე რეგისტრაციის წესი

1. ახალგაზრდა მეცნიერი რეგისტრირდება ფონდის გრანტების მართვის ერთიან სისტემაში GMUS-ში [Grants Management Unified System] და ქმნის „მეცნიერის პროფილს“;
2. კონკურსში რეგისტრაცია ხორციელდება შემდეგი სახით:
 - ა) ელექტრონული რეგისტრაცია – 2023 წლის 26 ივნისიდან 14 ივლისის 18:00 საათამდე;
 - ბ) ფონდის კანცელარიაში რეგისტრაცია – 2023 წლის 18 ივლისის 18:00 საათამდე.
3. კონკურსში მონაწილეობისათვის ახალგაზრდა მეცნიერი, გრანტების მართვის ერთიან სისტემაში GMUS-ში (შემდეგ ბმულზე: <http://gmus.rustaveli.org.ge>) ელექტრონულად არეგისტრირებს საკონკურსო განაცხადს, რომელიც შედგება შემდეგი დოკუმენტებისგან:
 - ა) კრებასითი ინფორმაცია (დანართი ივსება GMUS-ში პროექტის რეგისტრაციის დროს);
 - ბ) განმცხადებლის სამოტიცაციო წერილი, რომელშიც აღწერილია კვლევითი თემატიკის სამეცნიერო ღირებულება და პრაქტიკული მნიშვნელობა; მეცნიერების პოპულარიზაციის კუთხით განხორციელებული აქტივობები; საზოგადოებრივი აქტივობები/მოხალისეობა, რომელიც ემსახურებოდა დარგის განვითარებას (დანართი, იტვირთება GMUS - ში PDF დოკუმენტის სახით);
 - გ) განმცხადებლის პროფესიული ბიოგრაფია CV გენერირდება გრანტების მართვის ერთიან სისტემიდან GMUS-იდან ქართულ ენაზე (დანართი, იტვირთება GMUS - ში PDF დოკუმენტის სახით);
 - დ) კონკურსის გამოცხადებამდე ბოლო სამი წლის განმავლობაში (2021, 2022, 2023 წლები) გამოქვეყნებული სამეცნიერო ნაშრომები ინტერნეტ ბმულის მითითებით (დანართი, იტვირთება GMUS - ში PDF დოკუმენტის სახით);
 - ე) დამატებითი დოკუმენტაცია: სერტიფიკატი, ჯილდო, პრიზი, პატენტი და სხვა (იტვირთება GMUS - ში PDF დოკუმენტის სახით);
 - ვ) სამეცნიერო ხარისხის დამადასტურებელი დოკუმენტი, რომელიც იტვირთება „მეცნიერის პროფილში“
 - ზ) ცნობა სამეცნიერო ან აკადემიური საქმიანობის შესახებ 2023 წლის მდგომარეობით, რომელიც იტვირთება „მეცნიერის პროფილში“.
4. ფონდის კანცელარიაში რეგისტრაციის ეტაპი გულისხმობს კონკურსში მონაწილეობის შესახებ განცხადების წარმოდგენას ფონდის კანცელარიაში 2023 წლის 18 ივლისის 18:00 საათამდე (კონკურსის პირობების მე-6 მუხლის მე-2 პუნქტით დადგენილი წესის შესაბამისად);

5. კონკურსში გამარჯვების შემთხვევაში, ახალგაზრდა მეცნიერმა უნდა წარმოადგინოს მიზნობრივი ანგარიშის რეკვიზიტები, რომელზეც ჩაირიცხება პრემიის თანხა.
6. ვადის დარღვევის, ყალბი ან/და არასრული დოკუმენტაციის წარმოდგენის შემთხვევაში პრემიაზე წარდგენილი საკონკურსო განაცხადი ფონდის მიერ საკონკურსოდ არ განიხილება და მოიხსნება.

მუხლი 7. პრემიების გადაცემის პროცედურა

გამარჯვებული კანდიდატისათვის პრემია გაიცემა უნაღდო ანგარიშსწორებით, მუხლი 3-ში მითითებული კატეგორიისა და ოდენობების შესაბამისად, საქართველოს კანონმდებლობით არსებული ყველა შესაბამისი გადასახად(ებ)ის გათვალისწინებით.

მუხლი 8. ინტერესთა კონფლიქტი

1. დაუშვებელია საკონკურსო კომისიის წევრი იყოს ამავე კონკურსის მონაწილე.
2. არ შეიძლება საკონკურსო დოკუმენტაციის შეფასების და დამტკიცების პროცესში მონაწილეობდეს საკონკურსო კომისიის წევრი:
 - ა) რომელსაც აქვს საერთო პუბლიკაცია პროექტის მონაწილეებთან ან მონაწილეობდა მათთან ერთსა და იმავე სამეცნიერო-კვლევით პროექტში ან მუშაობს ერთსა და იმავე სტრუქტურულ ერთეულში (ფაკულტეტი, ინსტიტუტი, დეპარტამენტი);
 - ბ) რომელმაც შესაძლოა მიიღოს უშუალო პროფესიული, ფინანსური ან პირადი სარგებელი პროექტის გამარჯვების ან დამარცხების შემთხვევაში;
 - გ) რომელსაც აქვს პროექტის თემატიკის ან კვლევის მეთოდიკის შესახებ საკონკურსო დოკუმენტაცია ავტორებისაგან ფუნდამენტურად განსხვავებული პოზიცია;
 - დ) რომელიც თვითონ არის დაინტერესებული მხარე პროექტში; პროექტში მონაწილის ნათესავია; პროექტში მონაწილის წარმომადგენელია; შრომით ურთიერთობაშია პროექტში მონაწილესთან.
3. ამ დებულების მიზნებისათვის ნათესავად ჩაითვლება:
 - ა) პირდაპირი ხაზის ნათესავი;
 - ბ) მეუღლე, მეუღლის და-მმა და პირდაპირი ხაზის ნათესავი;
 - გ) აღმავალი ხაზის პირდაპირი ნათესავის და-მმა;
 - დ) და-მმა, მათი მეუღლები და შვილები.

4. საკონკურსო კომისიის წევრი ვალდებულია გენერალურ დირექტორს ოფიციალურად აცნობოს ამ მუხლში აღნიშნული გარემოებისა და თვითაცილების შესახებ.
5. იმ შემთხვევაში, თუ ინფორმაცია საკონკურსო კომისიის წევრის ინტერესთა კონფლიქტის შესახებ ფონდისათვის ცნობილი გახდება დასაფინანსებლად შერჩეული პროექტების დამტკიცებამდე, ფონდი უფლებამოსილია იმსჯელოს შესაბამისი საკონკურსო კომისიის წევრის მიერ გაკეთებულ შეფასების გაუქმების შესახებ.

მუხლი 9. საკონკურსო განაცხადების შეფასება

1. ფონდის გენერალური დირექტორი ინდივიდუალური ადმინისტრაციულ-სამართლებრივი აქტით ქმნის საკონკურსო კომისიას და განსაზღვრავს მის მუშაობის წესს;
2. საკონკურსო კომისია უფლებამოსილია, საჭიროების შემთხვევაში, მოიწვიოს დამატებითი დამოუკიდებელი ექსპერტი;
3. შეფასება ხორციელდება კომისიის მიერ ამ წესის მე-10 მუხლით განსაზღვრული შეფასების კრიტერიუმების გამოყენებით.
4. საკონკურსო კომისია განიხილავს და აფასებს კონკურსში შემოსულ საკონკურსო განაცხადებს,

- შეფასების კრიტერიუმების შესაბამისად; პრემიების ნომინაციების მიხედვით, ადგენს რანჟირებულ სიებს და ავლენს კონკურსის ნომინაციებში გამარჯვებულებს;
- გენერალური დირექტორი ინდივიდუალური სამართლებრივი აქტით ამტკიცებს საკონკურსო კომისიის მიერ გამოვლენილ გამარჯვებულ საკონკურსო განაცხადებს.

მუხლი 10. საკონკურსო განაცხადების შეფასების კრიტერიუმები

საკონკურსო განაცხადები შეფასდება შემდეგი კრიტერიუმების გათვალისწინებით:

1. სამეცნიერო-კვლევითი საქმიანობა	1	2	3	4	5	მინიმუმ 1 ქულა მაქსიმუმ 5 ქულა
კვლევითი თემატიკის სამეცნიერო ღირებულება და პრაქტიკული მნიშვნელობა						
სამეცნიერო ნაშრომები ბოლო 3 წლის განმავლობაში						
სამეცნიერო ღონისძიებებში მონაწილეობა						
საერთაშორისო და ეროვნულ სამეცნიერო პროექტებში მონაწილეობა						
საერთაშორისო / ეროვნული ჯილდოები, პრიზები, სტიპენდიები, წევრობა და სხვა						
2. აკადემიური კომპეტენციები	1	2	3	4	5	მინიმუმ 1 ქულა მაქსიმუმ 5 ქულა
კურიკულუმების, ახალი სასწავლო კურსების მომზადება, საბაკალავრო, სამაგისტრო ნაშრომების ხელმძღვანელობა, რეცენზირება, სახელმძღვანელოების შედგენა და სხვა						
საერთაშორისო და ეროვნულ საგანმანათლებლო პროექტებში მონაწილეობა						
3. საზოგადოებრივი აქტივობები	1	2	3	4	5	მინიმუმ 1 ქულა მაქსიმუმ 5 ქულა
მეცნიერების პოპულარიზაციის კუთხით განხორციელებული აქტივობები (საჯარო, სამეცნიერო-პოპულარული ღერეტიკი; სამეცნიერო/შემეცნებითი სატელევიზიო და რადიო გადაცემებში მონაწილეობა), ინტერდისციპლინური თანამშრომლობა და სხვა						
საზოგადოებრივი აქტივობები/მოხალისეობა, რომელიც ემსახურება დარგის განვითარებას						
შემაჯამებელი კომენტარი						

- ა) კრიტერიუმებში ქულებით შეფასება განიმარტება შემდეგნაირად:
- ბ) თითოეული კრიტერიუმი (1,2,3) ფასდება მინიმუმ 1, მაქსიმუმ 5 ქულით.
- გ) სამივე კრიტერიუმისათვის მინიმალური შესაძლო შეფასებაა 3, მაქსიმალური -15 ქულა.
- დ) თანაბარი ქულების დაგროვების შემთხვევაში, უპირატესობა მიენიჭება იმ საკონკურსო განაცხადს, რომელიც ჯამურად მაღალ ქულას დაგროვებს თანმიმდებრულად პირველ, შემდეგ მეორე და მესამე კრიტერიუმებში.
- ე) შემაჯამებელი შეფასება შესაბამისობაში უნდა იყოს კრიტერიუმების 5-ქულიანი (1-5) სისტემით შეფასებასთან და განიმარტება შემდეგნაირად:

შეფასება ქულით	შეფასება	განმარტება
1	სუსტი	საკონკურსო განაცხადი არაადეკვატურად პასუხობს მოცემულ ქვეკრიტერიუმს, გართულებულია შეფასება არასაკმარისი, ბუნდოვანი ან შეუსაბამო ინფორმაციის გამო.
2	დამაკმაყოფილებელი	საკონკურსო განაცხადი ზოგადად პასუხობს მოცემულ ქვეკრიტერიუმს, მაგრამ აქვს მნიშვნელოვანი უზუსტობები და სუსტი მხარეები.
3	კარგი	საკონკურსო განაცხადი კარგად პასუხობს მოცემულ ქვეკრიტერიუმს, მაგრამ აქვს გარკვეული ხარვეზები და საჭიროებს გაუმჯობესებას.
4	ძალიან კარგი	საკონკურსო განაცხადი ძალიან კარგად, ზუსტად პასუხობს მოცემულ ქვეკრიტერიუმს. გამოკვეთილია ორიგინალურობა და სამეცნიერო პოტენციალი, თუმცა შესაძლებელია გარკვეულწილად დახვეწა.
5	საუკეთესო	საკონკურსო განაცხადი საუკეთესოდ პასუხობს მოცემულ ქვეკრიტერიუმს, შეიძლება არსებობდეს უმნიშვნელო ერთეული შენიშვნები, რომლებიც არ ეხება სამეცნიერო პოტენციალს.

ივსება გრანტების მართვის ერთიან სისტემაში GMUS-ში რეგისტრაციის დროს

კრებსითი ინფორმაცია

1	ახალგაზრდა მეცნიერის პირადი ნომერი	
2	ახალგაზრდა მეცნიერის სახელი, გვარი	
3	ახალგაზრდა მეცნიერის ელ.ფოსტა	
4	ახალგაზრდა მეცნიერის ტელეფონი	
5	სამეცნიერო მიმართულება	1. საბუნებისმეტყველო მეცნიერებები 2. ინჟინერია და ტექნოლოგიები 3. მედიცინისა და ჯანმრთელობის მეცნიერებები 4. აგრარული მეცნიერებები 5. სოციალური მეცნიერებები 6. ჰუმანიტარული მეცნიერებები 7. საქართველოს შემსწავლელი მეცნიერებები
	ქვე-მიმართულება	
	კატეგორია	
6	სამოტივაციო წერილი	PDF ფაილის ატვირთვა
7	პროფესიული ბიოგრაფია	PDF ფაილის ატვირთვა
8	სამეცნიერო წარომები	PDF ფაილის ატვირთვა
9	სხვა სამეცნიერო პროდუქტიულობის დამადასტურებელი დოკუმენტები (საერთაშორისო / ეროვნული ნომინაციები, ჯილდოები, პრიზები, სტიპენდიები, წევრობა და სხვა)	PDF ფაილის ატვირთვა

დანართი №3
დამტკიცებულია
სსიპ – შოთა რუსთაველის საქართველოს ეროვნული სამეცნიერო
ფონდის გენერალური დირექტორის
2023 წლის 26 ივნისის N103 ბრძანებით

სამოტივაციო წერილი

გთხოვთ აღწეროთ, თქვენი კვლევითი თემატიკის სამეცნიერო ღირებულება და პრაქტიკული მნიშვნელობა
(რეკომენდირებულია არაუმეტეს 200 სიტყვა)

გთხოვთ აღწეროთ, თქვენს მიერ მეცნიერების პოპულარიზაციის კუთხით განხორციელებული აქტივობები

გთხოვთ აღწეროთ, თქვენს მიერ საზოგადოებრივი აქტივობები/მოხალისეობა, რომელიც ემსახურება დარგის განვითარებას

დამატებითი ინფორმაცია

დანართი №4

დამტკიცებულია

სსიპ – შოთა რუსთაველის საქართველოს ეროვნული სამეცნიერო

ფონდის გენერალური დირექტორის

2023 წლის 26 ივნისის N103 ბრძანებით

სამეცნიერო ნაშრომები

კონკურსის გამოცხადებამდე ბოლო სამი წლის განმავლობაში (2021, 2022, 2023 წლები)
გამოქვეყნებული სამეცნიერო ნაშრომები

ავტორი / ავტორები	სათაური	შურნალი / გამომცემლობა	გამოცემის წელი	ბმული

შენიშვნა: აუცილებელია სამეცნიერო ნაშრომის ბმულით/ლინკით წარმოდგენა.

პირადი ინფორმაცია

საკონტაქტო ინფორმაცია

პირადი ნომერი:

ელ.ფოსტა:

სრული სახელი:

მობილურის ნომერი:

სქესი:

ქვეყანა:

დაბადების თარიღი:

ქალაქი:

მოქალაქეობა:

მისამართი:

ენები

ენა	წერა	კითხვა	მეტყველება

განათლება

უმაღლესი აკადემიური ხარისხი/სტატუსი

აკადემიური ხარისხი/სტატუსი:

მინიჭების თარიღი:

მიღებული განათლება

აკადემიური ხარისხი/ სტატუსი	დაწესებულების დასახელება	ქვეყანა	სპეციალობა	დაწყების წელი	დასრულების წელი

ტრენინგები/სემინარები/სასწავლო კურსები

ორგანიზაციის დასახელება	ტრენინგის / სემინარის / სასწავლო კურსის თემა	დაწყების წელი	დასრულების წელი

პროექტები

მიმდინარე პროექტები

პროექტის დასახელება	პოზიცია	პროექტის ხელმძღვანელი	დაწყების თარიღი	დონორი

დასრულებული პროექტები

პროექტის დასახელება	პოზიცია	პროექტის ხელმძღვანელი	დაწყების თარიღი	დასრულების თარიღი	დონორი

სამეცნიერო მიმართულებები

ძირითადი მიმართულებები

მიმართულება:

ქვე-მიმართულება:

კატეგორია:

დასაქმების ისტორია

მიმდინარე სამუშაო ადგილ(ები)

სამუშაო ადგილი	სტრუქტურული ერთეულის დასახელება	თანამდებობა	მოვალეობები	დაწყების თარიღი

სამეცნიერო პროდუქტიულობა

კატეგორია

დასახელება	გამცემი თრგამიზაცია	სარეგისტრაციო ნომერი	გაცემის წელი

სხვა პროდუქტები

პროდუქტის ტიპი	სარეგისტრაციო ნომერი	გაცემის წელი

სტატია / მოწოდება / სახელმძღვანელო

ტიპი	ავტორი(ები)	სათაური	უურნალი	წელი

სტიმულდიები და ჯილდოები

სტიმულდის/ჯილდოს დასახელება	გამცემი	მიღების წელი

სამეცნიერო ფორუმები მონაწილეობა

სამეცნიერო ფორუმის დასახელება	მოხსენების სათაური	ჩატარების ადგილი	წელი

პროდუქტიულობის მაჩვენებელი

#	ციტირების ინდექსი	h-ინდექსი
Google Scholar		
Web-of-Science		
Scopus		

სსიპ შოთა რუსთაველის საქართველოს ეროვნული სამეცნიერო
ფონდის გენერალური დირექტორის
2023 წლის 26 ივნისის N103 ბრძანებით
გენერირდება GMUS-ით

გ ა ნ ც ხ ა დ ე ბ ა

შოთა რუსთაველის საქართველოს ეროვნული სამეცნიერო ფონდის პრემია

მეცნიერებაში გასაკუთრებული მიღწევებისათვის

კონკურსში მონაწილეობის შესახებ

წარმოგიდგენთ რა ინფორმაციას საკონკურსო განაცხადის შესახებ, ვადასტურებთ, რომ გავეცანი სსიპ შოთა რუსთაველის საქართველოს ეროვნული სამეცნიერო ფონდის გენერალური დირექტორის 2023 წლის 26 ივნისის N103 ბრძანებით დამტკიცებულ შოთა რუსთაველის საქართველოს ეროვნული სამეცნიერო ფონდის პრემია მეცნიერებაში გასაკუთრებული მიღწევებისათვის და ხელმოწერით ვაცხადებ კონკურსის პირობებზე თანხმობას. ასევე ვადასტურებთ, რომ ჩემს მიერ ფონდის ელექტრონულ სისტემაში ატვირთული ინფორმაცია ზუსტია და არ შეიცავს ყალბ მონაცემებს.

ვეთანხმებით, რომ ფონდი უფლებამოსილია, წებისმიერ დროს გადამოწმოს ამ ინფორმაციის სიზუსტე და რაიმე სიყალბის აღმოჩენის შემთხვევაში მოხსნას წარმოდგენილი განაცხადი კონკურსიდან.

გთხოვთ, დაარეგისტრიროთ ჩემს მიერ წარმოდგენილი საკონკურსო განაცხადი კონკურსში „შოთა რუსთაველის საქართველოს ეროვნული სამეცნიერო ფონდის პრემია მეცნიერებაში გასაკუთრებული მიღწევებისათვის“.

კონკურსანტი

ახალგაზრდა მეცნიერის სახელი და გვარი	
ელექტრონული ფოსტა	
ტელეფონის ნომერი	
ხელმოწერა	